

A balé tla Toscana

Do che l'ann passà àn fat l'bel viac a Budapest iesen chëst ann jic a Bagno Vignoni tla Toscana a purté i bai, la trohtes y la tradizions. Ora-dechèl ti iel unì sèurandat pescé ai cumëmbri per l'gran mpëni y lezitënza

Balarins - Davia che la grupa à mé puec mutons ti va na lauda dantaldut a d'èi, ajache i fova "for" njinie canche la se tratova de balé. Gran pert dla spëises de chësc viac vën da pert di cumëmbri nstësc, ajache i scioldi dla cassa dla lia ie unic adurvei per trohtes nueves y per fé su i ciauzei. N juebia ai 1. de setëmber iesen piei via abenëura da duman per ruvé a Flurënza puech dan marënda. Domesdi ons pudù fé na raida y ti cialé ala beliscima zità. Sun la sèira iesen pona jic a Siena ulache se on fermà per trëi dis y trëi nuetes per cialé monumënc, plazes y fé na raida tla valeda dl Chianti. La sada fòvel pona l gran di. Furnei sons de viers dl pitl luech de Bagno Vignoni, ulache on pudù amiré la beliscima struttura Adler Thermae che nes ie unida mustreda per 40 menuc te uni si marueia. Iló ons pona pudù fé na ultima proa generala. Rengrazion perchël l diretëur dl hotel, l dr. Sanoner per la boniscima cunlaurazion, per i locai metui a despozision y la bona cëina. Do ti avëi sèurandat n bel cheder dla grupa coche sèni de rengraziamënt ons mustrà nosc program sun plaza dl luech dan na gran cumpëida de jënt. Ajache te Gherdëina fòvela feter frëscia iesen la dumënia mo



La Grupa da Bal de Sëlva y S. Cristina.

tlamei a Lido di Camaiore dl'ongia Pisa per se goder i ultimi ciau sun èur dl mer.

Coche for ie la plu bela fotos dl viac da pudëi cialé te internet www.volkstanzgruppe.org. D'autonn se dedicherà la grupa d'antèr l auter mo a mparé ite vel' bal nuef y dantaldut n'cè "schuhplatleri". Rengrazion duta la jënt che à judà pea, che nes à sustenì

y che ie unic a cialé nosc bai. La grupa se n'cunforta a ve udëi ai prims de utober tl zënter dal tennis a Runcadic n ucajion dla festa dla Nèus Jëuni Gherdëina, ulache l'unirà d'antèr l auter mustrà per l prim iede te Gherdëina bai deberieda ala grupa renueda de Urtijëi.

Per la grupa da bal populer, l presidënt Andreas Delago



N valgun mumënc storich-culturei dla jita.

14

nr. 35 / 10 de setember 2005

LA USC
DI LADINS



Provincia Autonoma de Balsan - Südtirol
Cultura Ladina

Str. Mëisules 146 - I-39048 Wolkenstein (BZ)
Tel. 0471 793288 - Cell. 349 7515134
E-mail: sendav@dnet.it

Raiffeisenkasse Wolkenstein K/K 00030000415-4, ABI 08238, CAB 58890, CIN: T

Gröden/Val Gardena



Dolomites